



Na osnovu člana 10. stav 1. tačka. 15. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i člana 14. Statuta Bošnjačkog nacionalnog vijeća u Republici Srbiji br. 54-12/2018 od 08.12.2018. godine, Bošnjačko nacionalno vijeće u Republici Srbiji, na 8. redovnoj sjednici održanoj dana 23. decembra 2020. godine, donosi

ODLUKU

o usvajanju Mišljenja Komisije za revidiranje planova i programa za učenje na bosanskom jeziku

Član 1.

Usvaja se Mišljenje Komisije za revidiranje planova i programa za učenje na bosanskom jeziku.

Mišljenje je sačinjeno na osnovu Odluke o formiranju nezavisne stručne komisije broj 618-09/2020 od 07.09.2020. godine, usvojene na 7. redovnoj sjednici Vijeća.

Član 2.

Sastavni dio ove Odluke je Mišljenje iz člana 1.

Član 3.

Odluka stupa na snagu danom donošenja.

Odluku objaviti na oglasnoj tabli i zvaničnoj internet stranici Vijeća.

U Novom Pazaru, dana 23.12.2020. godine
Redni broj: 905-09/2020

BOŠNJAČKO NACIONALNO VIJEĆE U REPUBLICI SRBIJI

PREDŠJEDNICA

Dr. Jasmina Čurić



792-045/2020
16. 11. 2020.
KOMISIJA ZA REVIDIRANJE

Komisija za revidiranje planova i programa nastave i učenja na bosanskom jeziku

Izvršnom odboru Bošnjačkog nacionalnog vijeća

Na osnovu Rješenja (broj: 677-11/2020) o formiranju nezavisne stručne komisije za revidiranje planova i programa nastave i učenja na bosanskom jeziku, imenovanu od strane Izvršnog odbora Bošnjačkog nacionalnog vijeća od 28.9.2020. godine, Komisija donosi sljedeće

MIŠLJENJE


Pristigli materijali omogućili su Komisiji uvid u dosadašnji angažman timova unutar Bošnjačkog nacionalnog vijeća u pravcu provođenja obrazovanja na bosanskom jeziku. Zapazili smo da nastavni planovi i programi te programi nastave i učenja, kako svojim sadržajem tako i načinom uobličenja, odgovaraju temeljnim propozicijama koje je definirala struka i dosadašnja praksa. Pristigli materijali oslikavaju interese bošnjačke zajednice u Republici Srbiji, brigom za svoj jezik, svoju književnost, historiju, likovnu te muzičku umjetnost. Programi sadrže dovoljno građe da bi bili prepoznati kao manjinski koncept obrazovanja unutar državnih škola Republike Srbije i da bi nastavniku bio omogućen rad na oblastima od nacionalnog interesa.

Budući da se radi o raznorodnim oblastima: jezik, književnost, historija, likovna i muzička kultura, te uzrastima od prvog razreda osnovne do četvrtoga razreda srednje škole, stava smo da je detaljnijoj analizi nastavnih planova i programa te programa nastave i učenja jedino moguće pristupiti iz pozicije odvojenih metodologija usklađenih sa svakom od navedenih oblasti unutar određenog uzrasta. Ovakav pristup zahtijevao bi formiranje revizijskih timova za svaku oblast i svaki razred, što i preporučujemo da u dogledno vrijeme bude provedeno. Revizijski timovi trebaju biti sastavljeni od jednog univerzitetskog profesora iz date oblasti, nastavnika koji je u nastavi datom uzrastu te nastavnika iz nastave višeg uzrasta od ocjenjivanog.

S druge strane, posljednja revizija nastavnih planova i programa započela je 2017. godine i planirano je da bude okončana 2021. godine. S tim u vezi, revizijski timovi bi mogli ostvariti potpuniji uvid tek nakon okončanja ove procedure revizije programa nastave i učenja.

Uvidom u dostavljene materijale utvrdili smo da je dio programa nastave i učenja u fazi odobravanja, dio je odobren i započelo je provođenje, ali je vrijeme provođenja izuzetno kratko – nekoliko mjeseci – da bismo mogli precizno ustanoviti kako su se pojedine tematske jedinice pokazale u praksi. Pritom, uspostavljanje eksperimentalne faze Državne mature u Republici Srbiji pokazat će usklađenosti, odnosno neusklađenosti, standarda, ishoda i programa nastave i učenja, a za šta moramo sačekati okončanje i te faze razvoja obrazovanja na bosanskom jeziku u Sandžaku.

S poštovanjem,



Prof. dr. Sead Šemsović, predsjednik Komisije